



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

Հ Ա Յ Յ Ե Ղ. Դ Ա Շ Ն Ա Կ Ց Ո Ի Թ Ի Ի Ն

Գրադարան «Շարժում»-ի № 2

Վ. Գալֆէճեան

320

Գ-14

Ս Ա Հ Մ Ա Ն Ա Դ Ի Բ Ժ Ո Ղ Ո Վ

2003

Է 10 4



Ախալցխա

Եղբ: Մարտիրոսեանների

1917

Գ-1

5

ՄԳԻ


Հ Ա Յ Ց Ե Ղ . Դ Ա Շ Ն Ա Կ Ց Ո Ի Թ Ի Ի Ն

Գրադարան «Շարժում»-ի № 2.

ԱԳՁ
17

Վ. Գալֆէնեան

ՍԱՀՄԱՆԱԴԻՐ ԺՈՂՈՎ



Ախալցխա

Տպարան Եղբ. Մարտիրոսեանների

1917



17-4h 9 7

ՍԱՀՄԱՆԱԴԻՐ ԺՈՂՈՎ.

Յեղափոխութիւնը քանդելով ինքնա-
կալութեան երեք դարուայ փտած շինու-
թիւնը և խափանելով նորա հիմնական
օրէնքները մեր երկրի առաջ դրեց նոր
իրաւակարգ սահմանելու խնդիրը:

Ներկայումս մենք ապրում ենք անցո-
ղական ժամանակում և հին պետական
կազմի փոխարէն դեռ չունենք նորը:
Երկիրը չի կարող երկար ժամանակ ապ-
րել այս անորոշ պայմանների մէջ, ուս-
տի նա կարիք է զգում, որ շուտով հաս-
տատուի նոր իրաւակարգ, այսինքն
սահմանւեն պետական նոր կազմի և հաս-
տարակական կեանքի համար նոր հիմ-
նական օրէնքներ: Արդեօք թի՛վ պիտի

զբաղուի այս կարևոր ու բարդ գործով
 և մի է համարուելու այս բանի մէջ ա-
 մենապիագորը: Նոր իրաւակարգի մէջ
 շահագրգռուած է մեր երկրի համայն
 բնակչութիւնը, ուստի մի միայն ամբողջ
 ժողովրդի հաւաքական կամքը կարող է
 կառուցանել նոր պետական կազմի մեծ
 շինութիւնը: Ճանաչելով ամբողջ ժողո-
 վրդի հաւաքական կամքը, իբրև իշխա-
 նութեան աղբիւր, մենք գործնականա-
 պէս ընդունում ենք առհասարակ միմի-
 այն նորա մեծամասնութեան առաջնոր-
 դութիւնը: Ֆիզիքապէս երկրի համայն
 բնակչութիւնը միաժամանակ և բոլորը
 ի միասին չեն կարող զբաղուել նորա
 վերաբերեալ քաղաքական և հասարա-
 կական բազմակողմանի ու անյետաձգե-
 լի գործերով, ուստի ամբողջ ժողովրդի
 փոխարէն, նորա կամքը կատարելու
 համար, ստեղծուած է ուրիշ միջոց—ժո-
 ղովրդական ներկայացուցչութիւն:

Եթէ ամբողջ ժողովուրդը Ֆիզիքապէս

հնարաւորութիւն չունի կառավարելու
 երկիրը և այդ բանի համար նորա փո-
 խարէն սահմանուած է ժողովրդական-
 ներկայացուցչութեան սկզբունքը, ուրեմն
 երկրի համայն բնակչութեան կամքը
 իրագործելու համար պէտք է, որ ընտ-
 րել այնպիսի ներկայացուցիչներ, որոնք
 լինեն նորա կամքի իսկական արտայայ-
 տողները և նրանք ընտրուեն հնարա-
 ւորութեան չափով երկրի ամբողջ ժողո-
 վրդի կողմից, այսինքն ընտրութիւնը
 լինի ընդհանուր, հաւասար, ուղղակի և
 գաղտնի ձայնատուութեամբ: Ընդհանուր
 ընտրութեան իրաւունքի էութիւնը նրա
 մէջն է կայանում, որ ներկայացուցիչ-
 ներ ընտրելու գործի մէջ մասնակցու-
 թիւն ունենայ երկրի չափահաս ամբողջ
 բնակչութիւնը, 20 տարեկանից սկսած
 առանց դաւանանքի, ազգի և սեռի խը-
 տրութեան, և այն մտքով, որ ընտրու-
 թիւնը լինի հաւասար, այսինքն ամեն
 մի քաղաքացի ընտրութեան ժամանակ

ունենայ լոկ մի ձայն և ոչ աւելի: Կան
 երկիրներ, որտեղ հաւասար ընտրողա-
 կան իրաւունքի փոխարէն կայ ուրիշ,
 ներկայացուցիչներ ընտրելու միջոց,
 որը կախում է դրուած անշարժ կալու-
 ածք ունենալուց, ուստի քաղաքացին,
 իւր զանազան տեղերում ունեցած կայ-
 քերի քանակութեան համաձայն, նոյն
 քանակութեամբ ընտրողական ձայներ
 ունի: Եթէ քաղաքացին ունի զանազան
 տեղերում հինգ անշարժ կալուացք,
 ուրեմն նա կարող է հինգ ներկայացու-
 ցիչներին ձայն տալ, իսկ անշարժ կա-
 լուացք չունեցողը իրաւունք ունի ըն-
 տրելու մի միայն մի մարդ:

Այս կերպով ընտրուած ներկայացու-
 ցիչները չեն կարող համարուել համայն
 ժողովրդի կամքի իսկական արտայայ-
 տիչները: Արդարութիւնը պահանջում է,
 որ երկրի համայն բնակչութեան համար
 սահմանուեն միատեսակ օրէնքներ և
 նորանց առաջ բոլորը լինեն հաւասար:

Ընտրութիւնը պիտի լինի ուղղակի,
 այսինքն նա պիտի ունենայ այնպիսի
 ձև, որ ժողովուրդը հնարաւորութիւն
 ստանայ ուղղակի կերպով ձայն տալ իւր
 ճանաչած մարդուն, եթէ ոչ հակառակ
 դէպքում նա կարող է զրկուել իւր իս-
 կական ներկայացուցիչից և այս բանը
 պատահում է այն դէպքում, երբ առաջ
 ընտրում են ընտրողներ և այնուհետև
 վերջինները իրենց միջից ընտրում ներ-
 կայացուցիչներ:

Ընտրութիւնը պիտի լինի գաղտնի
 կերպով: Ընտրութեան գործը պիտի
 դրուի այնպիսի պայմանների մէջ, որ
 ընտրողի կամքի վերայ ոչ մի բռնու-
 թիւն դրսից գործ չդրուի: Այս սկզբուն-
 քը իրագործւում է գաղտնի ձայնատու-
 թեամբ, ամեն մարդ ձայն է տալիս իւր
 ընտրուածին փակած ծրարով, որի մէջ
 նա դնում է նորա անունը, գրուած մի
 թերթիկի վերայ: Եթէ պատահի, որ
 ընտրող քաղաքացին ձայն պիտի տայ

միաժամանակ մի շարք մարդկանց, այս
 գէպքում ընտրւողների անուններից կը
 կազմւի մի ցուցակ որոշ համարի տակ
 և ընտրողը ծրարի մէջ կդնէ մի միայն
 ցուցակի համարը և սորանով նա ձայն
 տուած կլինի բոլոր մարդկանց, որոնք
 նշանակուած են այդ ցուցակի մէջ:

Երկրի ամբողջ բնակչութեան կողմից
 ընտրուած ու լիազօրւած ներկայացու-
 ցիչները կհաւաքուեն մի տեղ սահմանե-
 լու Ռուսաստանի համար հիմնական օ-
 ղէնքներ, ի միջի այլոց պետութեան
 կառավարութեան ձևը և լուծելու հասա-
 ռակական բազմատեսակ հարցեր: Այս
 տեսակ ժողովը անւանում է Սահմա-
 նադիր կամ Հիմնադիր ժողով:

Վերջինի այս կամ այն կազմը մեծ
 նշանակութիւն կունենայ ամբողջ երկրի
 ապագայ կեանքի և յառաջադիմութեան
 համար, ուստի բոլոր քաղաքացիները
 սահմանադիր ժողովի համար անդամներ
 ընտրելու գործի մէջ ցոյց պիտի տան

լուրջ վերաբերմունք և աշխատեն, որ
այդ ժողովի կազմը իսկապէս ներկայ-
ացնէ համայն Ռուսաստանի կամքը:
Հիմնադիր ժողովի գործունէութիւնը կը
հաւաքւի ժամանակաւորապէս և կատա-
րելով իւր պարտականութիւնները, մըշ-
տապէս կը ցրուի, իսկ ապագայ օրէնս-
դիր պետական կազմակերպութիւնը
— պատլամենար կ'իրադարձէ նորա կամ-
քը, հիմնելով իւր գործունէութիւնը նոր
իրաւակարգի վերայ, որը սահմանելու է
սահմանադիր ժողովը:

Հին սեփիմի ժամանակ բոլոր օրէնք-
ները սերտ կերպով կապուած էին միա-
պետական կարգի սկզբունքների հետ, ո-
րոնք խոր արմատներ էին թողել հասա-
րակական կեանքի ամեն անկիւններում:

Այժմ երբ միապետի կամքի փոխարէն
յադիթական կերպով հրապարակ ելաւ
երկրի համայն ժողովրդի կամքը, ուստի
հետևապէս ապագայում յայտարարուե-
լիք օրէնքների վերայ պիտի լինի այդ

նոր կամքի կնիքը: Այս կամքը, իբրև հասարակական ստեղծագործող նոր գործուն, ապագայում նշանաւոր դեր է խաղալու կենսոճնական և տեղական կեանքի ասպարէզում:

Ինքնավարութեան գաղափարը ծագում է համայն ժողովրդի հաւաքական կամքով, որ բացել է համերաշխ աշխատակցութեան լայն ճանապարհը՝ հասարակական կեանքը ձուլելու նոր ձևերի մէջ: Հին իրաւակարգը տապալուեց ամբողջ ժողովրդի հաւաքական կամքի ճնշման տակ և ամենքի համար, շնորհիւ յեղափոխութեան, ստեղծուեց կեանքի նոր ասպարէզ, իսկ յեղափոխութիւնը, լինելով ժողովրդի հաւաքական կամքի անհրաժեշտ հետևանքը, իւր մէջ պարունակում է մի այնպիսի ստիպողական ոյժ, որին պիտի ենթարկուին երկրի միջի եղած բոլոր բնակիչները: «Ժողովրդի հաւաքական կամքը պատրաստում է և կատարում յեղափոխութիւնը և այդ կամքը օրէնք է

ամենքի համար» այսպէս է ասում Ֆր-
րանսիական նշանաւոր փիլիսոփայ Ժան-
-ժակ-Ռուսսօն:

Ժողովրդապետութիւնը հիմնւած է
երկրի համայն բնակչութեան կամքի
վրայ: Նա այն ժամանակ կունենայ իւր
արժանի ու արդարացի գնահատութիւնը,
եւթէ մարդկանց մէջ ներկայ լինի ներ-
քին ամբողջութեան գիտակցութիւնը և
այս դէպքում մի միայն կարելի կ'լինի
համարել ժողովրդի կամքը իբրև բարձրա-
գոյն իշխանութեան և ամբողջ երկրի
համար պարտադիր հիմնական օրէնքների
աղբիւր:

Յայտարարելով միապետական կարգի
փոխարէն պետութեան նոր կազմի ձև—
դեմոկրատիական հասարակապետութիւնն
անհրաժեշտ է, որ այդ կարգը դրւի հա-
մապատասխան նորա էութեան զարգաց-
ման առողջ հիմքերի վրայ: Զարգաց-
ման էական հիմքերից մէկը ինքնավա-
րութեան սկզբունքն է: Բայց բաւական

չէ յայտարարել միապետութեան փոխարէն հասարակապետութիւն, եթէ ժողովուրդը հնարաւորութիւն չ'պիտի ունենայ նորածիլ հասարակական հիմնարկութիւնների միջոցաւ արտայայտել իր կամքը և հոգալ իւր անձնական պահանջները սեփական ոյժերով:

Չնայելով, որ Թրանսիայում գոյութիւն ունի հասարակապետութիւն, բայց ինքնավարութեան սկզբունքը անց չէ կացրած հասարակական կեանքի և բընակչութիւնը իր կենսական պահանջները հոգալու գործի մէջ չունի ազատութիւն. նա անկախ չէ, այլ պետական հիմնարկութիւնների մէջ նախագահում է կենտրոնական իշխանութեան կողմից նըշանակուած մի պաշտօնեայ անձ, որը տեղական բարձրատեսակ խնդիրների լուծման մէջ վճռողական դեր է խաղում, իսկ բնակչութիւնը օգտւում է միմիայն խորհրդակցական ձայնով:

Այդ պաշտօնեայ մարդը գործնակա-

նապէս իրագործում է այն օրէնքները,
որոնք յայտարարուած են պետական իշ-
խանութեան կողմից տեղական կեանքի
համար: Այս բանից հետևում է, որ ժողովրդի կեանքը կառավարելու գործի մէջ այնտեղ իրագործում է ոչ թէ ժողովրդի կամքը, այլ կենտրոնական իշ-
խանութեան կամքը:

Եթէ սահմանադիր ժողովը ստեղծելով հասարակապետութիւն կ'զանի, որ տեղական կեանքը կառավարելու համար պիտի տրուի ժողովրդին ազատ իրաւունք, այն ժամանակ պէտք է սահմանուի ապակենտրոնացում լայն ինքնավարական հիմունքների վրայ: Սորա հակառակը կենտրոնացումն է, ինչպէս առաջինք վերը, այսինքն տեղական կեանքը կառավարելու համար կարգադրութիւններ են անւում կենդրոնից:

Քաղաքական գրականութեան մէջ ինքնավարութիւն բառը փոխարինում են «աւտոնոմիա» բառով, բայց այս բառը

ուղից գործածելու համար պէտք է զննել
 նորա միտքը: Աւտոնոմիան այնպիսի
 իրաւակարգ է, որի հիման վրայ մար-
 դիկ իրանց կեանքը կառավարում են սե-
 փական միջոցներով: Աւտոնոմիա բառը
 քաղկացած է յունական երկու բառերից
 ,,աւտոն“ բառից, որը կ'նշանակէ ին-
 քը և ,,նոմոս“, որը կ'նշանանակէ
 օրէնք: Եթէ մենք միացնենք այս երկու
 բառերը և մենք կ'հասկանանք աւտոնո-
 միա բառի նշանակութիւնը հարեանցի
 կերպով և ոչ թէ նորա բուն միտքը: Աւ-
 տոնոմիան գործածւում է երկու կերպ-
 վարչակար և քաղաքացան մտքով:
 Վարչական աւտոնոմիա, կամ ինքնա-
 վարութիւն լինում է այն դէպքում, երբ
 մարդիկ իրանց կեանքը կառավարում են
 առանձնապէս սահմանուած պետական
 իշխանութեան կողմից օրէնքներով, որի
 ներկայացուցիչը միմիայն հսկում է ա-
 սանց մի որևէ միջամտութեան աւտո-
 նոմ մարմնի գործունէութեան մէջ: Գե-

առաջին իշխանութեան կողմից պաշտօն-
 եան հսկում է, արդեօք այս աւտոնոմ
 մարմին մէջ որքան ճիշտ են կատարւում
 օրէնքները:

Աւտոնոմիա բառը գործածւում է նոյն-
 պէս քաղաքական մտքով, որի հիման
 վերայ մի սրէէ երկիր կամ համայնք, ա-
 ռանց պետական իշխանութեան խընտ-
 մակալութեան կառավարում է իր տեղա-
 կան կեանքը սեփական վարչական
 ու օրէնսդրական կազմակերպութիւննե-
 րի միջոցաւ, կապուած լինելով համայն
 պետութեան կազմի հետ ընդհանուր շահ-
 երով: Աւտոնոմ համայնքների քանակու-
 թիւնը մի պետութեան մէջ կարող է
 լինել շատ և այդ համայնքները իրարուց
 կարող են զանազանուել ծագումով, լեզուով
 և սովորութիւններով, բայց միասին կազ-
 մել մի ամբողջութիւն:

Կարող է պատահել և հակառակը, այս-
 ինքն աւտոնոմ համայնքները միասեռակ
 լինեն ծագումով, լեզուով և աւանդու-

թիւններով: Այս դէպքում նպատակա-
 յարմար է համարւում բոլորի համար
 ստեղծել վարչական աւտոնոմիա, իսկ
 առաջի դէպքում սահմանել քաղաքական
 աւտոնոմիա: Երբ առևաստանի յեղա-
 փոխութիւնք առաջ բերեց ազգութիւն-
 ների ինքնորոշման խնդիրը, պէտք եղաւ
 իւրաքարչիւր քաղաքական աւտոնոմիայի
 սկզբունքերը իրականացնել Ռուսաս-
 տանի մէջ գոյութիւն ունեն ըազ-
 մաթիւ ազգութիւններ, որոնք թէպէտ
 բոլորը միասին կազմում են մի ամբող-
 ջութիւն բարձրագոյն իշխանութեան
 հովանաւորութեան տակ, բայց իրարուց
 զանազանւում են ծագումով, տարրեր
 կուլտուրական պատմութիւնով, սովորու-
 թիւններով, ուստի բոլորի կեանքը կա-
 սովարելու համար միատեսակ օրէնքներ
 ստեղծելը աննպատակալարմար է: Մինչև
 հիմա Ռուսաստանի մէջ ապրող ազգու-
 թիւնների կեանքը դրոշմաւած էր բունա-
 կալի կամայականութեան կնիքով և ոչ

մի ազգ հին ուժիմի ժամանակ չէր կարող երազել քաղաքական ազատ կեանքի լայն ապարհզի մասին իսկ այժմս յեղափոխութիւնը բացեց մեզ համար նոր կեանք և անձնաւորութեան ազատութեան հետ միասին համայնքների և ազգութիւնների համար քաղաքական աւտոնոմիա սահմանելու հնարաւորութիւն:

Հասարակական կեանքի զարգացման էական հիմքերից մէկը անձնաւորութեան ազատութիւնն է առանց որի քաղաքական աւտոնոմիան չի կարող գոյութիւն ունենալ: Անձաւորութեան ազատութիւնը մտքի ազատութեան հետ ի միասին մարդկանց մէջ կ'զարթնեցնէ ինքնագործունէութեան եռանդ և հանրային կեանքի մէջ առաջ կ'բերէ համերաշխ աշխատակցութիւն: Նոր իրաւակարգը ճանաչելով անձնաւորութեան ազատութիւնը հիմնական օրէնքներից մէկը, այդ զկըզբունքը նա պիտի ապահով է վստահելի երաշխիքներով դատաստանական և վար-

չական հաստատութիւնների միջոցով,
որոնք պիտի դրուին իրական հիմունք-
ների վերայ:

Սահմանադիր ժողովը չի կարող հա-
մարուել կատարած իւր բոլոր պարտա-
կանութիւնները, եթէ նա չվերացնէ այն
անտեսական անհաւասարութիւնը, որը
գոյութիւն ունի երկրի բնակչութեան
մեծ մասի մէջ: Առաջիկայ լուծելու ան-
յետաձգելի հասարակական խնդիրների
մէջ առաջնակարգ տեղը բռնում է հողայ-
ին հարցը, որը ունական կեանքում
պատմականօրէն ստացել է շատ սուր ու
անարդար բնոյթ:

Հողային հարցը բաւարար կերպով
լուծելու համար հիմնադիր ժողովը նախ
և առաջ պիտի բոլորովին ոչնչացնէ սե-
փականութեան իրաւունքի և սահմանէ
հողի վերաբերալ նոր սկզբունք, որի
հիման վերայ հողը այլևս չպիտի իր մէջ
պարունակէ ապրանքի յատկութիւնները.
այսինքն պիտի վերացուեն ծախելու և

ընծայելու իրաւունքները հակառակ
դէպքում աջողակ լուծւած հողային
հարցը կ'ստանայ առաջւայ հին բնոյթը
եթէ կեանքի մէջ մնան սեփականութեան
ընծայելու և ծախելու իրաւունքները ո-
րովհետև աստիճանաբար կրկին հողի մեծ
մասը կ'կենտրոնանայ որոշ քանակու-
թեամբ հարուստ կալուածատէրերի ձեռ-
քերում:

Սահմանադիր ժողովը, վերացնելով
վերոյոշեալ իրաւունքները, պիտի վճռի
շատ բարդ խնդիր, արդեօք ո՞ւմ պիտի
պատկանի Ռուսաստանի ամբողջ հողը:
Գոյութիւն ունի երեք կարծիք, որոնցից
այստեղ կրերենք մի միայն ամենատա-
րածուած երկու կարծիքները: Մի կար-
ծիքի համաձայն բարդ հողային հարցը
կարելի է լուծել մի միայն դնելով մշակ-
ման ենթակայ հողը պետութեան իշխա-
նութեան տակ, լիազօրելով բարձրագոյն
հաստատութիւններին բաժանել հողը
ցանկացող հողագործների մէջ: Հողային

հարցի այս կերպ լուծումը անւանում են
 Հողի Նացոնալիզացիա: Հակառակ վերո-
 յիշեալ կարծիքի քաղաքատն, գրականու-
 թեան մէջ գոյութիւն ունի մի այլ կար-
 ծիք, որի համաձայն հողային հարց լու-
 ծումը պէտք է վերապահել համայնքների
 ձեռնահասութեանը, այստեղից այդ հար-
 ցի լուծումը ստանում է հ. դի համայնա-
 ցում դարձուածքը. — Հողի Սոցիալիզա-
 ցիա: Համաձայն սորա հողի սեփակա-
 նութիւնը վերացւում է և նա յայտա-
 րարւում է բոլորովին ազատ, այսինքն
 հողը ոչ մէկին չի պատկանում, բացյ
 ամեն մարդ հողը մշակել ցանկացողը
 համայնքների միջոցով կատանայ այն
 քան հող, որքան մարդս իւր փիզիքա-
 կան ոյժերերի համաձայն կարող կլինի
 արդիւնաւոր կերպով մշակել իւր բաժի-
 նը առանց աշխատաւոր վարձելու: Ամեն
 դիւղական համայնքում հողային տնտե-
 սութիւնը իրադործւում է ընդհանուր
 ոյժերով, ինչպէս աշխատաւոր մեծ մեծ

ընտանիքի մէջ, որանդ ամեն մի անդամ
 իւր ոյժերի և ընդունակութիւնների հա-
 մաձայն որոշ գործեր է կատարում:

Ռուսաստանի բնակչութեան մեծ տոկո-
 սը հիմնադիր ժողովից կապատէ այս կա-
 րևոր հարցի լուծմանը և նա չի կարող
 երևակայել անձնաւորութեան ազատու-
 թիւնը առանց հողային հարցի աջողակ
 լուծման: Սահմանադիր ժողովի գործու-
 նէութիւնը չի կարող լինել լիակատար,
 եթէ նա չբարավոքէ աշխատաւոր դասա-
 կարգի կեանքը, ստեղծելով աշխատանքի
 նոր բարեյաջող պայմաններ և դրական
 օրէնքներ: Հիմնադիր ժողովը նոր դե-
 սոկրատիկ իրաւակարգի միջոցաւ պիտի
 կազմակերպէ ժողովրդի բոլոր ոյժերը,
 որ ամբողջ երկիրը ընթանայ կուլտու-
 րական կեանքի զարգացման ուղիղ ճա-
 նապարհով և իրագործուեն հաւասարու-
 թեան ու եղբայրութեան վեհ սկզբուն-
 քները:

- 200 -

ՀՀ Ազգային գրադարան



NL0836106

2

1492

17